



Inatsisartunut ilaasortaq, Villy Olsvig, Inuit Ataqtigiit
/Maani

§ 37 naapertorlugu apeqquteqaat nr. 2017-137, Kangerlussuaq

Asasara Villy,

Siullertut qujassutigissavara Inatsisartut suleriaasianni § 37 naapertorlugu
apeqquteqaammik nassiussaqaarsimanerit.

Naalakkersuisutut siulera, Naalakkersuisoq Knud Kristiansen 2016-imi § 37
aqqutigalugu apeqquteqaat nr. 2016-110 akissuteqarfigaa, taanna tunngavimmigut illit
apeqqutigisannut assinguvoq. Apeqqutit ataatsimoorlutik assigiissutigaa Kangerlussuup
matuneqarnissaannut pilersaarummik kukkusumik tamarmik tunngavilersuuteqarnerat.

Naalakkersuisuusimasoq Knud Kristiansen akissuteqaammut aallaqqaasiinermini ima
allappoq:

*"Aallarniutigalugu apeqqutigisannut tunngaviusumut oqaaseqaat pingaarnaq,
Kangerlussuarmi mittarfiup matuneqarnissaanik annertuumik tunngaveqartoq
eqqarsaatigalugu oqaatigissavara, uanga Naalakkersuisulluunniit Kangerlussuup
matuneqarnissaa politikikkut siunnerfiginnginnatsigu. Akerlianik Kangerlussuarmi
mittarfiup aamma siunissami angallavinnut ataatsimoortunut ilaanissaa
siunertarineqarpoq – immaqa ullumikkornit allaanerusumik inissisimassagaluarluni."*

Erseqqissaatigissavara Naalakkersuisut suli ullumikkut taamannak politikkeqarmata.
Aammalu naalakkersuisoqtigiit isumaqatigiissutaat aallaavigalugu suligatta. Tassa
"Kangerlussuup Narsarsuullu ingerlaannarnissaat qulakkeerniarlugu kommuunit
peqatigalugit aaqqiisoqassaaq." Tamatumani Kangerlussuaq pillugu Qeqqata
Kommunianik qanimut oqaloqatiginnittarnerit ingerlammata.

Apeqqutisatit ataasiakkaarlugit issuarlugit akineqassapput. Apeqqutit tallimaat pillugu
Aningaasaqarnermut Akileraartarnermullu Naalakkersuisumit akissummik
piniartoqarpoq.

Apeqqut 1.

Maannamut suliffiit qassimta Kangerlussuaq-miit sineriassamut soorlu Nuuk- mut nuunneqaleqqappat?

Akissut: Aallaqqaasiullugu erseqqissaatigissavara, Naalakkersuisut ingerlatsiviit aamma
suliniaqatigiiffiit suliffeqarfinnik najugaqarfinnit allanut nuussiniarlutik
aalajangiussisarnerannut akuliunneq ajormata. Taakkununga soorunami ilaanngillat
pisortat suliffeqarfiutaat aamma suliniaqatigiiffiutaat. Taamaattumik Naalakkersuisut
ingerlatsiviutaat aamma suliniaqatigiiffiit ingerlataat pillugit pingaarnersiuneq pillugu
apeqqutit akissuteqarfigisinnaangilara.

24-05-2017
Sags nr.: 2017 - 10235
Dok. nr. 20509796

Postboks 909
3900 Nuuk
Tlf.: (+299) 34 50 00
E-mail: box909@nanoq.gl
www.naalakkersuisut.gl

Mittarfeqarfinnut tunngatillugu ilisimatitsissutigineqarpoq sulisut piginnaassusiannik annermik allannguuteqartoqarsimangitsoq. Atlanti ikaarlugu angallannerup nalinginnaasumik qaffakkiartornera aamma akunnittarfimmi unnuisartut amerliartornerisa kingunerannik, ukiut siulinit ukiup ilaani sulisut 2-3 amerlanerit atorfinitsinneqartarnerat pisariaqartinneqartarsimavoq.

Ilanngullugu Naalakkersuisunit ilisimaneqarpoq Naviairs Flyve Informations Center (FIC), 2014-imit Kangerlussuarmut Nuummut nuunneqarsimanera.

Taassuma saniatigut Naalakkersuisunit ilisimaneqarpoq Danmarks Meteorologiske Institut (DMI), pilersaaruteqartoq Kangerlussuarmut Nuummut suliaminnik nuussinissaat. DMI-p nuunnissaa 2018-imi pissussatut pilersaarutigineqarpoq.

Apeqqu 2.

Mittarfeqarfittut atorunnaassappat nunaqarfimmi inissiarpassuit, hangarit il.il. atorunnaartussaaniassapput, tamakku isaterneqarneri eqqarneqarneri taamatuttaarlu nunaqarfimmi salinissaarsuarmut qanoq aningaasartuuteqartoqassava?

Akissut: Naalakkersuisut Kangerlussuup siunissami ingerlanneqarnissaanut misissuititsinissamik pimoorussillutik suliaqarput. Ilaatigut misissorneqassaaq, amerikamiut sakkutuui timmisartortartut aamma qallunaat illersornissamat sakkutuuisa siunissami sammisanik qanoq aqqissuussissamaarnerat. Taakkua saniatigut misissorneqarpoq Kangerlussuarmi mittarfik navianartorsiortoqartillugu mittarfittut qanoq iluaqqutaasumik atorneqarsinnaanera (taamaattoq aamma taaneqartarpoq; ETOPS - Extended Range Operation with Two-Engine Airplanes). Timmisartoqarfimmik matusinissaq eqqartorneqanngimmat pilersaarutaaganilu, isaterinissami, eqqakkanik passusinissami aamma torersaasinissami aningaasartuutit ilisimaneqanngillat. Naatsorsuineramik ingerlatsisoqarnaviangilaq.

Apeqqu 3.

Mittarfik atorunnaassappat ilimagisariaqarnerparput timmisartuaqqat (bell 212) atorlugit Kangerlussuaq-mut angalasoqartalernissaa, taamaassagaluarpat kiffartuussinissamut angingaasat qanoq annertutigisut atorneqassappat?

Akissut: Kangerlussuarmi mittarfik matussanngilaq. Matusinissamut naatsorsuutininik piffissaq manna peqatoqanngilaq aamma taamaattunik peqartoqalernaviangilaq. Kangerlussuarmut timmisartuussineq qulimiguulinnik Bell 212-init ingerlanneqalernissaa ilimanangilaq, taamaaliortoqassagaluarpat ingerlatsineramik annikilliliisoqassammat.

Siunissami Kangerlussuarmi ingerlatsineramik aningaasartuutininik naatsorsuineramik ingerlatsisoqaaqqaartinnagu periarfissat itinerusumik misissorneqaaqqaartariaqarput.

Apeqqu 4.

Akissut: Mittarfik matuneqassanngilaq. Angallassineq angallanniartunit taakkualu aqqutigerusutaat aallaavigalugit aqqissuunneqartarput, angallassisut namminneq timmisartut aqqutissaannik qanoq ittunik pilersitsinissaq toqqartarpaat.

Apeqqu 5.

Kommuninut nalimmassaarutinin aningaasat qanoq agguataarneqartalissappat, Qeqqata Kommunianut akileraartarnikkut annertuumik sunniuteqassagunarmat?

Aningaasaqarnermut Akileraartarnermullu Naalakkersuisoq:

Piffissami matumani tapiissutit aamma nalimmassaasarnermik agguataarinermi periuseq aalajangersimasoq isumaqatigiissutigineqartoq atorineqarallapoq. Periuseq taanna atuuttoq aallaavigalugu kommunini ataasiakkaani pissutsit maanna atuuttut eqqarsaatigineqartarput. Periuseq maannamut atorineqartoq piffissami ungasinnerusumi periutsimik atuuttuartussamik taarserneqarumaarpoq. Taanna isertitatut tunngavissat assigiinngitsuunerat soorlu akiligassat amerlassusiisa assigiinngitsuunerat immikkoortitikkat aalajangersimasut aallaavigalugit naatsorsueriaatsimik peqassaaq. Piffissami ungasinnerusumi angallassinerep ineriartortinneqarnera qanorluunniit Kangerlussuarmi sulianut nassataqassagaluarpat, allannguutit taakkua ukiualuppasuit qaangiuppata aatsaat atuutsinneqalissapput aamma immaqqa kommunini aningaasatigit inissisimaneerit allanngorsimassappata, tamakkua tamarmik tapiissutinin nalimmassaanermillu periusissatut aalajangerneqarumaartussami ilanngunneqassallutik.

Apeqqu 6.

Kangerluasuaq-mi innuttaasut nuttarsinnaaneramat aningaasat qanoq annertutigisut atorineqassappat?

Svar: Kangerlussuup matuneqarnissaanut pilersaaruteqartoqanngimmat apeqqu tunngavissaqanngilaq.

Apeqqu 7.

Kangerluarsuaq mittarfittut atorunnaarpat nunatta sinnerani illoqarfinni aammalumi nunaqarfinni inuuniarneq oqinnerulissava?

Akissut: Kangerlussuup matuneqarnissaanut pilersaaruteqartoqanngilaq.

Timmisartuussinerup aqqissuusaanera innuttaasut Tunumi Kitaanilu illoqarfinnut arlaqartuni angalaniarnerannut periarfissanik oqilisaassissaaq.

Apeqqu 8.

Nunatta sinnerani illoqarfinni aammalu nunaqarfinni inunnik assartuussisarnikkut taamatuttaarlu nioqqutissanik assartuussisarnikkut qanoq sunniuteqassavamita Nuuk-mi mittarfiliorneq?

Akissut: Angalassinermik aqqissuussinerit siunissami atorineqartussanut tunngatillugu inuussutissarsiortut qanoq pingaarnersiunerat apeqqu taassaaq. Timmisartoqarfiit nutaat Kalaallit Nunaanni tamarmi usinik angalassinermi pitsanngortitsinissaannut periarfissiissapput. Nuummi nutaamik mittarfiliornikkut angalassinermi aqqissuussineq nutaaq aallaavigalugu angallassisut usit pillugit naliliissapput.

Apeqqu 9.

Umiarsuit takornariartaatit soorlu FRAM siunissami ilimaginaviangilagut Kangerlussuaq tikittassagaat, tassami taakku ataasiinnarmik siunnerfeqarlu tikittarnikuusimassapput, tassalu ilaasut taarsernissaat,

**taamaattumik qanoq takornariaqarnikkut siuarsaanissaq
takorloorneqarpa?**

Akissut: "Nuna tamakkerlugu takornariatitsinermik suliassaqarfik pillugu pilersaarut 2016-2020" innersuussutigissavara, taanna Inuussutissarsiornermut, Suliffeqarnermut, Niuernermut Nukissiuuteqarnermullu Naalackersuisoqarfimmit suliarineqarmat. Taassuma saniatigut tassani Kangerlussuarmi umiarsualivimmik pilersitsinissaq - umiarsuarnik takornariartaatinik sullissinissamik siunertaqarluni – allaaserisaq innersuussutigissavara.

Apeqquut 10.

**Ukiunerani takornariarpassuit aamma Kangerlussuaq tikittarpaat,
mittarfilli atorunnaassappat tamanna aamma nunatta pisussutaanut
kulturitsinnut eqquinerlunnissaa ilimagineqassanerpa?**

Akissut: Kangerlussuup matuneqarnissaanut pilersaaruteqartoqanngilaq aamma siunissami timmisartuussisarnissat pillugit pilersaarutit angallassinermik neqeroorutillit pilersaarutaat aallaavigalugit ingerlanneqassapput.

Inussiarnersumik inuulluaqqusillunga



Erik Jensen